



## SKOOLREËLS

1. Kinders moet na die skool vergesel word deur 'n volwassene en daar aan 'n onderwyser of assistent oorhandig word. Geen kind sal toegelaat word om die skoolterrein op sy/haar eie te verlaat nie en moet deur die ouer(s) of 'n voorafgereëde persoon binne die skoolgronde kom haal word. Laat personeel asseblief weet indien iemand anders as u die kind gaan kom haal. Om u kind se veiligheid te verseker mag personeel weier om u kind die skool saam met iemand anders as die persone wat op u registrasievorm genomineer is te verlaat.
2. **GEEN SPEELGOED MAG SKOOL TOE GEBRING WORD NIE.**
3. Geen lekkers, koek of gaskoeldrank mag skool toe gebring word nie. Ons moedig gesonde kos aan. Skil asseblief vrugte soos lemoene by die huis. Geen rou noedels nie asseblief.
4. Siek kinders moet by die huis bly solank as wat hulle aansteeklik is. Geen kind met koors of gastroenteritis sal by die skool toegelaat word nie. Indien op antibiotika is, moet die kind reeds 24 uur op behandeling wees voordat hy/sy mag terugkom skool toe. Kinders met kopluis moet by die huis bly tot al die luis en eiers verwyder is.
5. Lig asseblief die klasonderwyser of skoolhoof in indien u kind vir enige rede nie skool gaan bywoon nie.
6. Klere moet gemaklik en prakties vir skool wees. Kinders moet verkieslik in ouer klere wees aangesien hulle somtyds nogals rof kan speel.
7. **MERK ASSEBLIEF ALLE KLERE DUIDELIK.**
8. Wanneer u geld skool toe stuur, oorhandig dit asseblief aan 'n personeellid – binne-in 'n koevert met die volgende bo-op geskryf: die kind se naam en van, klas, die bedrag en waarvoor die geld is.
9. Skoolfooie is vooruit betaalbaar teen die 7de van elke maand. 'n Herinnering sal na ouers gestuur word wie nie teen die 7de betaal het nie. Indien dit steeds nie teen die 14de betaal is nie, sal 'n nota gestuur word om te bevestig dat die kind nie Busy-Bugz mag bywoon vanaf die 15de nie. Enige skoolfooie wat daarna uitstaande is sal aan 'n prokureur vir invordering oorhandig word.
10. Geen geld sal terugbetaal word in geval van afwesigheid nie.
11. Die skool vereis een kalendermaand kennis vooruit wanneer 'n kind Busy-Bugz gaan verlaat. Indien die kind sonder kennis uit die skool geneem word, sal 'n volle maand skoolfooie steeds betaalbaar wees.
12. Ons stuur gereeld boodskappe in Kommunikasieboekies. Teken asseblief en stuur **DIE VOLGENDE DAG** terug skool toe.
13. Ondersteun asseblief ons vondsinsamelingsprojekte en ouervergaderings aangesien dit belangrik vir die welsyn van die skool en leerlinge is.
14. Ouers is welkom om 'n afspraak te maak met die skoolhoof en/of onderwyseres om probleme ten op sigte van hulle kinders in 'n tyd en plek te bespreek waar dit sonder onderbrekings kan plaasvind.
15. Ouers is welkom om met die onderwyseres te reël om 'n kind se verjaarsdag by die skool te vier.
16. U sal vooruit in skrif van alle uitstappies in kennis gestel word en ons vra dat u skriftelik toestemming gee vir u kind om dit by te woon. Geen kind sal op 'n uitstappie geneem word sonder die skriftelike toestemming van 'n ouer of voog nie.
17. Streng dissipline is nodig om suksesvolle leerder te verseker. Indien 'n kind hom/haar nie gedra nie sal daar van hom/haar verwag word om vir 'n 'afkoel-periode' in die hoekie te staan. Daar sal ook aan hom/haar presies verduidelik word wat dit is wat verkeerd gedoen is en waarom dit onaanvaarbaar is.
18. Indien die skool uitermate moeilikheid met u kind ondervind, sal u in kennis gestel word en indien die gedrag voortduur, mag u gevra word om die kind uit die skool te neem.

**DIE SKOOLREËLS IS DAAR OM U KIND SE VEILIGHEID TE VERSEKER EN OM DIE IDEALE OMGEWING VIR GESONDE EN KONSTRUKTIEWE SPEEL EN LEERDERY TE SKEP. ONS BEDANK U BYVOORBAAT VIR U SAMWERKING. – Bestuursraad, Busy-Bugz Vroeë Ontwikkelingsentrum**